



অবিলম্বে প্রকাশের উদ্দেশ্যে: 3/2/2023

গভর্নর ক্যাথি হোকল

গভর্নর হোকল নিউ ইয়র্কবাসীকে প্রস্তুত থাকার তাগিদ দিলেন যেহেতু এই সপ্তাহান্তে শীতকালীন ঝড় আপস্টেটে উল্লেখযোগ্য তুষারপাত নিয়ে আসবে বলে আশঙ্কা করা যাচ্ছে

*শুক্রবার সন্ধ্যায় থেকে শনিবার সন্ধ্যা পর্যন্ত, ক্যাপিটাল, মোহক এবং নর্থ কান্ট্রি অঞ্চলগুলিতে এক ফুট পর্যন্ত তুষারের আশঙ্কা করা যাচ্ছে যা স্থানীয়ভাবে অপেক্ষাকৃত বেশি পরিমাণ হবে*

*লেক অন্টারিওর সাউদার্ন শোরে শনিবার পর্যন্ত আট ইঞ্চি পর্যন্ত তুষার পড়তে পারে; স্টেটের অন্যান্য অংশ তিন থেকে ছয় ইঞ্চি তুষার, স্লিট এবং/অথবা হিমশীতল বৃষ্টির মিশ্রণ দেখবে*

*স্টেটজুড়ে বায়ুপ্রবাহ ভারী তুষার ও হিমশীতল মিশ্রণের সাথে মিলিত হয়ে শুক্রবার ও শনিবার যাতায়াতকে বিপজ্জনক করে তুলতে পারে*

গভর্নর ক্যাথি হোকল আজকে নিউ ইয়র্কবাসীকে আরেকটি শীতকালীন ঝড় সিস্টেমের জন্য প্রস্তুত হওয়ার তাগিদ দিলেন যা শুক্রবার রাত থেকে শুরু করে শনিবার বিকাল পর্যন্ত তুষার, মিশ্র বর্ষণ এবং তীব্র বায়ুপ্রবাহ নিয়ে আসবে বলে আশঙ্কা করা যাচ্ছে। ক্যাপিটাল, মোহক এবং নর্থ কান্ট্রি অঞ্চলের অনেক অংশে এক ফুট পর্যন্ত তুষার পড়তে পারে, একইসাথে লেক অন্টারিওর সাউদার্ন শোর সংলগ্ন সম্প্রদায়গুলিতে আট ইঞ্চি পর্যন্ত তুষার পড়তে পারে। স্টেটের অন্যান্য অংশে তিন থেকে ছয় ইঞ্চি তুষার এবং ঘণ্টায় 35 মাইল বেগের বায়ুপ্রবাহ দেখা যেতে পারে। কিছু এলাকায় তুষার স্লিট এবং/অথবা হিমশীতল বৃষ্টির সাথে মিশ্রিত হতে পারে, যার ফলে মোট তুষারের পরিমাণ হ্রাস পাবে কিন্তু যাতায়াতের পরিস্থিতি কঠিনই থাকবে। গভর্নর হোকল নিউ ইয়র্কবাসীদেরকে স্থানীয় আবহাওয়ার পূর্বাভাস পর্যবেক্ষণ করতে এবং ক্ষতিগ্রস্ত এলাকায় যাতায়াত করলে বাড়তি সতর্কতা অবলম্বন করার তাগিদ দিয়েছেন।

"নিউ ইয়র্কে শীতকাল এখনো শেষ হয়নি এবং এই সপ্তাহান্তে তুষার, বরফ, হিমশীতল বৃষ্টি ও তীব্র বাতাস স্টেটের অধিকাংশ এলাকাকে প্রভাবিত করবে বলে আশঙ্কা করা যাচ্ছে," **গভর্নর হোকল বলেন।** "স্টেটের এজেন্সিগুলি জরুরি সাড়া দান সম্পদ প্রস্তুত করেছে এবং প্রয়োজন হলে স্থানীয় সরকারসমূহকে সহায়তা করার জন্য আমরা তৈরি। যদি এই সপ্তাহান্তে আপনাকে

যাতায়াত করতেই হয়, তাহলে আপনার স্থানীয় আবহাওয়া পূর্বাভাস মনোযোগ দিয়ে দেখুন এবং নিরাপদে আপনার গন্তব্যে পৌঁছানোর জন্য নিজেকে পর্যাপ্ত সময় দিন।"

**নিউ ইয়র্ক স্টেটের স্বদেশ নিরাপত্তা ও জরুরি সেবা বিভাগের (New York State Division of Homeland Security and Emergency Services, DHSES) কমিশনার জ্যাকি ব্রে বলেন,** "মার্চের শুরুর দিকে সম্ভাব্য ভারী তুষার ও হিমশীতল, শীতকালীন মিশ্রণসহ এই শীতকালীন ঝড়টি শুক্রবার রাতে ক্ষতিগ্রস্ত এলাকায় যাতায়াত কঠিন করে দিবে। তুষারপাত ভারী ও ভেজা হবে, যার ফলে একটি বেলচা বা প্লাগ দিয়ে তা অপসারণ করা কঠিন হবে। এই সপ্তাহান্তে যদি আপনি রাস্তায় থাকেন, তাহলে অনুগ্রহ করে বাড়তি সতর্কতা অবলম্বন করুন।"

শুক্রবার বিকাল থেকে শনিবার সন্ধ্যা পর্যন্ত ক্যাপিটাল রিজিয়ন, মোহক ভ্যালি এবং নর্থ কান্ট্রি অঞ্চলে শীতকালীন ঝড় নজরদারি (Winter Storm Watches) জারি করা হয়েছে। এই স্টেটব্যাপী আবহাওয়া ইভেন্টের জন্য অন্যান্য সতর্কতা, ঘড়ি এবং পরামর্শ জারি করা যেতে পারে। আপনার এলাকায় আবহাওয়া সতর্কতার সম্পূর্ণ তালিকার জন্য, আপনার এলাকার জাতীয় আবহাওয়া সেবার (National Weather Service) [ওয়েবসাইট](#) ভিজিট করুন।

## **এজেন্সির প্রস্তুতি**

### **স্বদেশের নিরাপত্তা ও জরুরী পরিষেবা বিভাগ (Division of Homeland Security and Emergency Services)**

বিভাগটি সক্রিয়ভাবে আবহাওয়ার পূর্বাভাস পর্যবেক্ষণ করছে এবং আবহাওয়ার ইভেন্টে স্টেটের প্রতিক্রিয়া সমন্বয় করছে। অফিস অব ইমার্জেন্সি ম্যানেজমেন্টে (Office of Emergency Management)-এর কর্মীরা স্থানীয়দের সাথে যোগাযোগ রাখছে এবং স্থানীয় সরকারের কাছ থেকে সহায়তার জন্য অনুরোধ করার জন্য প্রস্তুত এবং প্রয়োজনে রাজ্যের মজুদ থেকে সম্পদ মোতায়েন করতে প্রস্তুত।

### **জনসেবার বিভাগ (Department of Public Service)**

এই সপ্তাহের শীতকালীন আবহাওয়ায় ক্ষতি যাচাই, তার সুরক্ষা, সাড়াদান, মেরামত, এবং পুনঃস্থাপন কাজের জন্য নিউ ইয়র্কের ইউটিলিটিগুলি স্টেটব্যাপী আনুমানিক 6,125 কর্মীকে উপলভ্য রেখেছে। এর মধ্যে রয়েছে জাতীয় গ্রিডের নিশ্চিত করা বাড়তি 125 জন বাহ্যিক লাইন কর্মী এবং নিউ ইয়র্ক স্টেট ইলেকট্রিক ও গ্যাস (New York State Electric & Gas, NYSEG) এবং রচেস্টার গ্যাস ও ইলেকট্রিক কর্পোরেশনের (Rochester Gas and Electric Corporation, RG&E) এর নিশ্চিত করা বাড়তি 500 জন লাইন ও গাছ কর্মী। বিভাগের কর্মীরা ঘটনার পুরো সময়জুড়ে ইউটিলিটিগুলির কাজে নজর রাখবে এবং সবথেকে বেশি ক্ষতিগ্রস্ত এলাকায় যাতে ইউটিলিটিগুলি পর্যাপ্ত কর্মীকে স্থানান্তর করে তা নিশ্চিত করবে।

আপনার সেবা বিঘ্নিত হলে, পরামর্শের জন্য DPS ইউটিলিটি সেবায় ব্যাঘাত (DPS Utility Service Interruptions) [ওয়েবসাইট](#) ভিজিট করুন।

### **পরিবহন বিভাগ (Department of Transportation)**

স্টেটের পরিবহন 3,614 জন সুপারভাইজার ও অপারেটর নিয়ে এই বছর প্রভাবের, স্টেটব্যাপী শীতকালীন ঝড়ের সাড়াদান করার জন্য প্রস্তুত আছে। আঞ্চলিক কর্মীরা বর্তমানে তুষার ও বরফ সাড়াদান ও প্রস্তুতির কর্মকাণ্ডে নিযুক্ত আছে। ঘটনার পুরো সময়জুড়ে এবং অগ্রাধিকারভিত্তিক পরিষ্কারকরণ কর্মকাণ্ডের সময় 24/7 কাজ করার জন্য সকল আবাসিক অবস্থানে কর্মী থাকবে।

সংকটময় এলাকায় তুষার ও বরফ কর্মকাণ্ডকে সমর্থন করার জন্য লং আইল্যান্ড থেকে মিড হাডসন অঞ্চলে 25 জন অপারেটরকে প্রেরণ করা হচ্ছে। পুরো সময়জুড়ে আবহাওয়ার অবস্থা বিবেচনায় নিয়ে বাড়তি সম্পদ বরাদ্দের প্রয়োজন পুনর্মূল্যায়ন করা হবে।

তুষার ও বরফ সরানোর সব লভ্য সরঞ্জাম মোতায়েনের জন্য প্রস্তুত রয়েছে। ক্ষতিগ্রস্ত এলাকার সকল ফ্লিট মেকানিককে প্রধান আবাসনগুলোতে মেরামত ও ট্রাক চলাচল স্বাভাবিক রাখতে 24/7 প্রস্তুত রাখা হয়েছে। স্টেট জুড়ে থাকা ইকুইপমেন্টের সংখ্যা নিম্নরূপ:

- 1596টি বড় প্লাউ ট্রাক
- 154টি মাঝারি ডিউটি প্লাও
- 50টি টো প্লাউ
- 340টি বড় লোডার
- 36টি স্নো ব্লোয়ার

তাৎক্ষণিক ভ্রমণ তথ্য জানার জন্য মোটর চালকগণ কল করতে পারেন 511 নম্বরে অথবা ভিজিট করুন [www.511NY.org](http://www.511NY.org) অথবা মোবাইল সাইট {m.511ny.org} যা নিউ ইয়র্ক স্টেটের অফিসিয়াল ট্রাফিক এবং ভ্রমণ সংক্রান্ত তথ্য কেন্দ্র।

### **থ্রুওয়ে কর্তৃপক্ষ (Thruway Authority)**

থ্রুওয়ে কর্তৃপক্ষ আবহাওয়ার পূর্বাভাস পর্যবেক্ষণ করছে এবং 680 জন অপারেটর ও সুপারভাইজার নিয়ে সাড়াদান কার্যক্রমের জন্য প্রস্তুত রয়েছে। স্টেটব্যাপী সরঞ্জাম সংখ্যা ও রিসোর্সের তালিকা নিচে দেওয়া হলো:

- 355টি বৃহৎ ও মিডিয়াম ডিউটি প্লাউ ট্রাক
- 11টি টো প্লাও
- 67টি লোডার
- 114,000 টনের বেশি লবণ প্রস্তুত

থ্রুওয়েতে মোটরচালকদেরকে শীতকালীন আবহাওয়ার অবস্থা সম্পর্কে সতর্ক করতে বিভিন্ন ধরনের মেসেজ সাইন ও সোশ্যাল মিডিয়া ব্যবহার করা হয়।

থ্রুওয়ে কর্তৃপক্ষ তাদের [মোবাইল অ্যাপ](#) ডাউনলোড করতে গাড়িচালকদেরকে উৎসাহিত করে যা আইফোন ও অ্যান্ড্রয়েড ডিভাইসের জন্য বিনামূল্যে পাওয়া যায়। অ্যাপটি চলার পথে মোটরযান চালকদের রিয়েল-টাইম ট্রাফিক সম্পর্কে তথ্য, লাইভ ট্রাফিক ক্যামেরা, ও দিক-

নির্দেশনা সংক্রান্ত সহায়তা প্রদান করে। এছাড়াও গাড়ি চালকরা [ট্রান্সঅ্যালার্ট \(TRANSAlert\)](#) ই-মেইলের জন্য সাইন-আপ করতে পারেন যা ঋণে সংলগ্ন যানবাহনের সর্বশেষ অবস্থা সম্পর্কে তথ্য প্রদান করে।

## স্টেট পুলিশ

স্টেট পুলিশ অবস্থা তদারক করবে এবং ঝড়ের ফলে উল্লেখযোগ্যভাবে প্রভাবিত হওয়া এলাকাগুলোতে বাড়তি টহলের ব্যবস্থা করবে। সব ফোর-হুইল ড্রাইভ ও বিশেষায়িত যানবাহন, যেমন ইউটিলিটি ট্রাক ভেহিকেল ও স্নোমোবাইল সেবায় নিয়োজিত রয়েছে।

## নিরাপত্তা সংক্রান্ত পরামর্শ

### চলাচল:

- নিরাপদে গাড়ি চালানোর জন্য কিছু গুরুত্বপূর্ণ পরামর্শের মধ্যে রয়েছে:
- প্রয়োজন না হলে গাড়ি চালাবেন না।
- সেতুগুলোতে সতর্কতা অবলম্বন করুন কারণ সেখানে সড়কের তুলনায় অধিক দ্রুত বরফ জমে যায়।
- যদি আপনাকে ভ্রমণ করতেই হয়, আপনার গাড়িতে জীবন-রক্ষাকারী সরঞ্জাম যেমন কম্বল, বেলচা, ফ্ল্যাশলাইট ও বাড়তি ব্যাটারি, বাড়তি গরম পোশাক, টায়ার চেইনের সেট, ব্যাটারির বুস্টার ক্যাবল, দ্রুত শক্তিদায়ক খাবার এবং বিপদ সংকেত দেয়ার জন্য ব্যবহারের উদ্দেশ্যে উজ্জ্বল রঙের কাপড়ের টুকরা রয়েছে তা নিশ্চিত করুন।
- যদি আপনার ব্যবহারের জন্য অন্যান্য যোগাযোগের ডিভাইস যেমন সেল ফোন অথবা টু-ওয়ে রেডিও থাকে, তাহলে ব্যাটারিতে চার্জ দিয়ে রাখুন এবং ভ্রমণের সময় সেটি আপনার সঙ্গে রাখুন। যদি আপনি হারিয়ে যান, সাহায্যের জন্য কল করে উদ্ধারকারীদেরকে আপনার লোকেশন জানাতে পারবেন।
- শীতকালীন সময়ে মৃত্যু ও আঘাতপ্রাপ্তির শীর্ষ কারণ হলো পরিবহনজনিত দুর্ঘটনা। গাড়িতে চলাচল করার আগে আপনার যানবাহন বরফ ও তুষার থেকে মুক্ত আছে তা নিশ্চিত করে নিন; ভালোভাবে দৃষ্টিগোচর হওয়াটা ভালোভাবে গাড়ি চালানোর মূল চাবিকাঠি। আপনার থামার স্থানগুলো সম্পর্কে পরিকল্পনা করে রাখুন এবং গাড়িগুলোর মধ্যে আরো বেশি দূরত্ব রাখুন। অতিরিক্ত সতর্ক থাকুন এবং মনে রাখবেন যে তুষারকণা ছোট শিশুদেরকে আড়াল করে দিতে পারে। সবসময় সড়ক ও আবহাওয়ার অবস্থার সঙ্গে আপনার গতির মিল রাখুন।
- সকল সড়কে চলাচলকারী গাড়ি চালকদের জন্য এটি জেনে রাখা গুরুত্বপূর্ণ যে স্নো-প্লাউগুলো ঘণ্টায় 35 মাইল গতিবেগে চলাচল করে, যা বহু ক্ষেত্রেই পোস্ট করা গতিসীমার চেয়ে কম হয়ে থাকে, যাতে ছিটিয়ে দেয়া লবণগুলো ড্রাইভিং লেনের মধ্যেই থাকে এবং সড়কপথের বাইরে ছিটকে না পড়ে। প্রায় ক্ষেত্রেই ইন্টারস্টেট হাইওয়েগুলোতে স্নো-প্লাউগুলো পাশাপাশি অবস্থান করে কাজ করে থাকে, কারণ এতে একাধিক লেন সর্বাধিক কার্যকর ও নিরাপদ উপায়ে পরিষ্কার করা যায়।
- গাড়ি চালক ও পথচারীদেরকেও খেয়াল রাখতে হবে যে স্নো-প্লাউ চালকদের দৃষ্টিগোচরতা সীমিত থাকে, এবং স্নো-প্লাউ এর আকার ও ওজন সেটিকে দ্রুত সরানো ও

বন্ধ করা কঠিন করে তুলতে পারে। তুষার-অপসারণ-যন্ত্রের পেছন থেকে বরফ ওড়ানো এর চালকদের দৃষ্টিশক্তি মারাত্মকভাবে হ্রাস করতে বা হোয়াইটআউট অবস্থার কারণ ঘটাতে পারে। গাড়িচালকদের তুষার-অপসারণ-যন্ত্রকে পাশ কাটিয়ে যাওয়ার চেষ্টা করা বা পেছন-পেছন যাওয়া অথবা খুব কাছাকাছি যাওয়া উচিত নয়। গাড়ি চালকদের জন্য গাড়ি চালানোর জন্য সবচেয়ে নিরাপদ জায়গা হলো স্নো-প্লাউ এর বেশ পিছনে যেখানে সড়কপথ পরিষ্কার রয়েছে ও লবণ ছিটানো হয়েছে। কখনো কোনো স্নোপ্লাউ চালু অবস্থায় এটির সামনে দিয়ে অতিক্রম করার চেষ্টা করবেন না।

## বিদ্যুৎ বিভ্রাট

- এলাকাভিত্তিক মেরামতের সময়সূচি জানতে আপনার ইউটিলিটির কাছে যাচাই করুন।
- পরিষেবা ফিরে আসার সময় সার্কিট ওভারলোড হওয়া রোধ করতে লাইট ও অ্যাপ্লায়েন্সগুলো বন্ধ রাখুন বা প্লাগ খুলে রাখুন; কখন বিদ্যুৎ ফিরে আসছে তা জানার জন্য একটি বাতি চালু রাখুন।
- যদি শীতকালীন ঝড়ের সময়ে হিটিং চলে যায়, তাহলে আপনার যেসব কক্ষ প্রয়োজন নেই সেগুলো বন্ধ করে দেওয়ার মাধ্যমে উষ্ণতা ধরে রাখুন।
- বিদ্যুৎ বিভ্রাট রিপোর্ট করতে, ফোন করুন:
  - সেন্ট্রাল হাডসন: 800-527-2714
  - কন এডিসন: 800-752-6633
  - ন্যাশনাল গ্রিড: 800-867-5222
  - NYSEG: 800-572-1131
  - O&R: 877-434-4100
  - PSEG-LI: 800-490-0075
  - RG&E: 800-743-1701

## হিটিং সংক্রান্ত সতর্কতা

- বিকল্প তাপের জন্য শুধু নিরাপদ উৎস যেমন ফায়ারপ্লেস, ছোট আকারের ভালো ভেন্টযুক্ত কাঠের বা কয়লার চুলা বা পোর্টেবল স্পেস হিটার ব্যবহার করুন।
- সবসময় প্রস্তুতকারকের নির্দেশনা মেনে চলুন।
- বিকল্প তাপের উৎস যেমন ফায়ারপ্লেস, উডস্টোভ, ইত্যাদি ব্যবহার করার সময় সবসময় যথাযথ ভেন্টিলেশন রয়েছে তা নিশ্চিত করুন।
- পর্দা, তোয়ালে এবং পটহোল্ডারগুলোকে উত্তপ্ত পৃষ্ঠতল থেকে দূরে রাখুন।
- একটি অগ্নি নির্বাপক যন্ত্র এবং স্মোক ডিটেক্টর রাখুন এবং সেগুলো কাজ করছে তা নিশ্চিত করুন।
- যদি আপনি আপনার হিটিং-এর নিয়মিত জ্বালানির সম্পূরক হিসেবে, অথবা জরুরি পরিস্থিতিতে তাপের উৎস হিসেবে কেরোসিন হিটার ব্যবহার করেন, তাহলে নিম্নলিখিত নিরাপত্তা সংক্রান্ত পরামর্শ অনুসরণ করুন:
  - উৎপাদকের নির্দেশনা অনুসরণ করুন।
  - আপনার ইউনিটের জন্য শুধু সঠিক জ্বালানি ব্যবহার করুন।

- শুধু ঘরের বাইরে এবং শুধুমাত্র যখন ইউনিটটি ঠাণ্ডা থাকে তখন পুনরায় জ্বালানি ভর্তি করুন।
- হিটারকে আসবাবপত্র এবং অন্যান্য দাহ্য বস্তু থেকে কমপক্ষে তিন ফুট দূরে রাখুন।
- হিটার ব্যবহার করার সময়, আগুন থেকে সুরক্ষার পদক্ষেপসমূহ এবং ভেন্টিলেশন যথাযথভাবে ব্যবহার করুন।

নিরাপত্তা সংক্রান্ত আরো পরামর্শের জন্য ভিজিট করুন <https://dhSES.ny.gov/safety>। নিউ ইয়র্ক স্টেটে ঝড়ের আগে, ঝড় চলাকালীন সময়ে অথবা ঝড়ের পরে অ-জরুরি পরিষেবার প্রয়োজনগুলো পূরণ করতে 211 নম্বরে ফোন করুন অথবা ভিজিট করুন [211nys.org](http://211nys.org) ঠিকানায়।

### **ডিভিশন অফ হোমল্যান্ড সিকিউরিটি অ্যান্ড ইমার্জেন্সি সার্ভিসেস সম্পর্কে**

ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেস দুর্ভোগ এবং অন্যান্য জরুরি পরিস্থিতি প্রতিরোধ, সুরক্ষা, প্রস্তুতি, প্রতিক্রিয়া, পুনরুদ্ধার এবং প্রশমিত করার জন্য নেতৃত্ব, সমন্বয় এবং সহায়তা প্রদান করে। আরো তথ্যের জন্য DHSES-কে [ফেসবুক](#), [টুইটার](#)-এ খুঁজুন বা ভিজিট করুন [dhSES.ny.gov](http://dhSES.ny.gov)।

###

আরো সংবাদ এখানে পাওয়া যাবে: [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্কাইব করুন](#)